

آبونه سرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدور .
ممالك اجنبیه ده سنه لکی (۱۷)، آلتی
آیلغی (۹) فراقتدر .

اداره خانه

باب عالی جاده سنده دائره مخصوصه

اضطارات

آبونه بدلی پشیندر .

§

مسلكه موافق آثار مع الممنونیه قبول
اولنور . درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هفته ای مجموعه اسلامیه در .

صاحب و مدیر

سر محرر

ع . اشرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۰۹

۱۱ شوال ۱۳۳۲

پنجشنبه

۲۰ اغستوس ۱۳۳۰

جلد ۱۲

ایچنده قالدینی حالد اوغراشیوردی. دینی بوتون مسلمانلرده چالیشمق خصوصنده قصور ایتیمورلر، یالکیز منافقار ایسته مه یه رک کلدکری ایچین آغیر طاوورانیورلر، شوق وغیرت کوسته رمیورلردی .

آکلیورسک یا ؟ وظیفه یه جدی چالیشمق مسلمانلق علامتی، ایشی آنغاریه صایوبده آلا ی کچمک ایسه منافقلى علامتی اولویور .

هندکک قازیلوب یتیمه سی ایچه سوردی . فقط بو مدت اویله

قولای قولای کچمده دی . بر دفعه هوالر صوغوقدی ؛ ایکنجیسی

قصبه ده ارزاق وذخیره یوقدی . غیرتلی مسلمانلر، او صوغوق هواده

آج آچینه چالیشیوردی . پیغمبر افندیز ، اوچ کون آغزینه لقمه

قومامش ، حتی مبارک قارننه طاش باغلامشدی . بویله اولدینی حالد

هندکده چیقان بویوک برقایای اوچ ووروشده بارچه لامشدی . بو

قایا چاقاق طاشی نوغندن سرت برشیدی . احباب کرام، اونی قیرمقدن

حاجز قالدقیری ایچین رسول الله حضرتلرینه خبر ویرمشلردی . پیغمبر

افندیزده - سویله دینکم کی - اوچ قازماده اونى اون اوافق ایتمشدی .

قازمانک بهر اصابتنده طاشدن قینلیکچیملر چیقمش ، رسول الله حضرتلری ده

« الله اکبر . بکا شامک، ایرانک، ینک آناختارلری ویریلدی . ششو

ساعتده بن اورالری کورویوردم » بویورمشدی . فی الواقع برقاچ سنه

صوکر ا اورالری فتح ایدیلدی و مسلمان مملکتلری صیراسنه کیردی .

هندکک یتدیکی، دهها طوغروسى برطرفی یتیمه مش قالدینی بر

صیراده دشمن اوردوسی کوزوکدی . مکه مشرکری ، مدینه نك باطی

جهتنه ، نجد بدویلری ده کون طوغدی طرفنه قوندی که هپسنگ یکونی

اون بیک نفر واردی . بونلر، اهل اسلامى طوپدن بیتیریورمک ایچین

عمومی بر هجوم یاپدیلر . فقط بویلو بوینه قارشیلرینه چیقان هندکک

اوکنده شاشیروب قالدیلر . آشانی یوقاری دولاشدیلر ، صاغه صوله

کیدوب کلدیلر . کچیله جک یر بولامانجه مسلمان اوردوسی اوزه رینه

طاش آتمايه ، اوق یاغدیرمایه مجبور اولدیلر . لکن طاشلریله اوقلرینک

هندکک اوتنه سنده وسنر آرقه سنده بولونان مسلمانلره دو قونما دیغنی

کورونجه هندکک خارجنی صاروب اوطوردیلر .

طاهر المولوی

مابعدی وار

حرب عمومی وعالم اسلام

انکلیزلی پک کچ طانیدق

مملکت مزده اوتهدن برو انکلیزلر حقنده ایمان درجه سنده ای بر

فکر حکمفرما ایدی . عثمانیلر - بالمله عناصر - انکلیزلرک هر شیئی

عالی ، بویوک ، فوق العاده کورمه آلیشمشلردی . انکلیز قومیتی ،

مفکوره سی ، سیاستی ، متاعی ، قوه بحریه سی ، حریت وعدالتی بز

زوالیلرجه بر دستور حکمت و ضرب المثل حالی آلمشیدی . عقیب

عرب دکدی . حال بوکه : عجمکی اوقدر اونوتمشدی ، عربلغه

اودرجه اهمیت ویرمه مشدی که (سن کیمک اوغلیسک؟) دییه صورانلره

(بن ، اسلام زاده یم ، یعنی : دینک اولادی یم) دیمش . بوتون

مسلمانلری کندیسنک دین قارده شی بیلیمشدی . بوندن طولانی ده

پیغمبر افندیز طرفدن (سلمان بزندنر ، اهل یتیمزدندر) التفاتنه

نائل اولمشدی .

اگر بویله یایماسه یدی ده « بن ده مملکتده برکشی زاده ایدم .

بابام ، مجوسی ایدی اما بویوک بر آدمدی : « دییه عصیت غیرتی

کودسه وبر آتشرست ایله اوکونسه ایدی بوالطفائی کورورمیدی ؟

اصلا و قطعاً .

اویله ایسه شونی اونوتمایلم که : مسلمانلر ، هانکی قومدن اولورسه

اولسون ، هانکی دیل ایله قونوشورسه قونوشسون ، کیمک اولادی

بولونورسه بولونسون ، بربرلرینک دین قارده شیدر . یکدیگرینه اوستون

اولمالری ، عرب ، یاخود تورک بولونمالرنده دکل ، علم و دین خصوصنده کی

درجه لرینه کوره در ،

عربجه سویله نمش اولان شواکی یت نه قدر کوزهلر :

لعنک ماالانسان الا بن دینه

فلاترک التقوی اتکالا علی النسب

قد رفغ الاسلام سلمان فارس

وقد وضع الکفرالنسیب ابا لهب

معناسی : یمین ایدهرم که : انسانلر ، دینلرینک اولادیدر .

بناء علیه صویکه ، صویکه کووه نوبده تقوای برافا . مسلمانلق ، سلمان

کی بر ایرانلی پیغمبرک اهل بیتدن اولق درجه سنه یوکسه لندی .

مشرکک ایسه ابولهب مثالی بر اصیلزاده یی جهنمک صوک طبقه سنه قدر

سوروکله یوب آچاتدی .

*

کله لم بمحتمزه :

مدینه منوره نك اوچ طرفی اولدقجه محافظه لی ایدی ، یالکیز

احد طاغنه قارشى کان یوزی آچیقدی . دشمنکده بورادن هجوم

ایده جکی شبهه سزدی . بناء علیه رسول الله حضرتلری ، مبارک ألیله

هندک خطفی چیزدی . قازیلاجق هندکک اکی وده رینلکی بشر ذراع ،

یعنی ایکی بوجوق متره قدر اولاجقدی . قصبه داخلنده کی قازما و کوره ک

کی شیلر طویلاندی ، مسلمانلرک متفق اولان بنی قریضه یهودیلرندن ده

ایکرتی اولارق آلیندی . احباب کرام ، اونرکیشیلک بررمانعه یه آریلوب

اون آرشینلق یر قازمایه مأمور اولای .

دقت ایدیورسک یا همشهریم ! سپر قازمق واستحکام یایمق ده سنت

ایمش . چونکه : رسول الله افندیزله احباب کرامی ، اسلام یوردینک

محافظه سی ایچین چالیشمش ، چابالامش ، قازما کوره ک صاللامش ،

طاش طوپراق طاشیمش ده قوجه بر هندک یعنی استحکام وجوده کتیرمش ،

أوت پیغمبر افندیز بالذات چالیشیور ، مبارک وجودی ، توز طوپراق

مشروطیتده بوتون دول و ملله قارشو بر صغولق حسی پیدا اولمش و آلمانیا کی قدیم و صمیمی بردوستمزه قارشوده عینی حسی تطبیق ایتک ایستدک. سرکاره کن قاینه لر ملتک حسیاته کوره توفیق معامله ایتمکه قصور ایتدکاری حالده بردلو انکیزلرک دوستلغنی ، توجهنی قازانه مدیلر. عثمانیلر صوک درجه حقشناس و وفاکار بر ملت نجیه اولدقلرندن ، برزمان انکلتزه نک کندی منفعتی ایچون بزمه برابر روسیه قارشو حرب ایتدکارندن طولای انکیزلره قارشو بر حس امتنان و شکران بوتون قبلرده حاصل اولمشیدی. او زمانلرده انکلتزه بزه ایلاک ایتک ایچون دکل، کندی منافع سیاسی و اقتصادی سی نامنه عثمانیلره روسیه علیهنده حربه کیریشمشیدی. فقط ایشک سیاسی جهتنه اهمیت و یرمیه رک دائمی اخلاقی جهتنی کوز اوکنده طوتدیغمزدن انکیزلری عادل و حر مشرب، بالخاصه اسلام دوستی هر نصلسه یا کیشلقله طانیمشیدق. بوندن بشقه انکلتزه اداره سنی اللرنده طوتان اوتوز قرق سنه اولکی رجال و اصیلزادکان ، مجبول اولدقلری اصالت و علویت نقطه سندن دائما انکلتزه سیاستنی ای بر محور داخلنده سوق و اداره ایتمکه صاحب اختصاص کیمه لر ایدی .

حال حاضرده - بر قاق سندهن برو - ایسه انکلتزه نک سیاستی، بالجمله اصول اداره سی دکیشمش و زمام اداره ، سیرادوار غره ی حضرتلری کی ذواتک النده بولندیغندن احوال و حسیات سابقه بوسبوتون دکیشمشدر . انکلتزه نک سیاست حالیه سی صرف استعماری بر سیاستدن بشقه دکلدر. بو سیاستک اساسانی حکومت اسلامیه ایچون پک ضررلیدر. ایرانی مناسطق نفوذ تقسیم ایتک و تمامیت ملکیه سنی تزلزله اوغرامق ایچون ۱۹۰۷ سنه سنده انکلتزه و روسیه بیننده منعقد مقاوله نامه ایله فرانسلرک فاسیده کی منافعی تسهیل و اورای فرانسلره بخش ایتک خصوصنده کی سیر ادوار غره یک مساعداتی بالاده کی افاده مرک تحت و قطعیتنه بویوک بر دلیل تشکیل ایدر .

انکلتزه نک هندستانده، مصرده و جنوبی افریقاده کی وضعیتیه اسلام و هندولر حقنده شو صوک سنلرده تطبیق ایتدیکی طرز سیاستده انکیزلرک یا کلش بر سیاست تعقیب ایتمکه اولدقلرینی کوستریر . بوکون ، هر کس بیلیرکه، اک زیاده اسلام تبعیه مالک اولان یر یوزنده اوچ دولت وارددر. بونلرده انکلتزه، فرانسه ، روسیه در. میلیونلرجه اسلام تبعیه مالک بو اوچ دولتک - ائتلاف مثالت - طرز سیاستلری تمامیه اسلامیتک، مسلمانلرک علیهنده در. هندستانده سکسان میلیون اسلام تبعیه مالک اولان انکلتزه ، دائما دولت علیه یی کندی آماله عظیم بر رقیب، بر حائل تلقی ایده کلشدر. خلافتک نفوذنی محو ایتک ، نملدن ییقمق ایچون بو آنه قدرالندن کلدیکی قدر چالیشمشدر. یننده، ایران کورفرزنده ، عراقده ، جزیره العربده همان هر کون غوائل و فساد ایجاد ایتک خصوصنده بذل مساعی ایتمکن کری

قالما مشدر . نیم وحشی بر حالده یشایان قبائلی تسلیح ایدن و آنلری سلاحلاندیران انکلتزه دکلیدر ؟

یکرمی سنه اول جزیره العربده بر خلافت عربیه تأسیسی ایچون مصرده اجرای تشبثات ایدوب یننه ، ابن الرشیده ، اوتیه برویه هیئتله وهده لر کوندن ینه انکیزلردر. انکلتزه نک بو آماله خدمت ایدن وطن و دیانت دشمنی اولان بعض مسلمانلر کور بر آلت کی اجرای فعالیت ایتشلر ایسه ده ، حکومت عثمانیه نک مساعی دیانت پروریسی خائیرک فعالیتنی بر طرف ایتشیدی. انکلتزه نک طرابلس و بالقان محارباتی انساننده کی وضعیتیه ، سیرادوار غره یک ترمومتریه بکیزمین متلون بیاناتی انکلتزه نک مسلمانلر حقنده کی نیاتی اثبات ایتش و بو یوزدن هند مسلمانلرینک توجهنی غائب ایلشدر. بالقان محارباتی انساننده هند مسلمانلرینی هیجانه کتیرن بو سیاست هند والی عمومیسنک نظر دقتنی جلب ایدرک ، اخیراً سیرادوار غره یه ولوندرده کی هندستان ناظرینه: «هند مسلمانلری، عثمانیلر علیهنده انکلتزه نک طاقمقده اولدیفی وضعیت خصما نهدن صوک درجه متسیج بولنیورلر. احتمالدرکه، کیت کیده علیهمزده بولنان پت پرستلره توحید مساعی ایدم جکلردر. بناء علیه ایلروده بو سیاست سقیمه یوزندن بویوک قارغشه لقلر تولد ایدر . بویه بروقه نک مسئولیتی بکا دکل ، انکلتزه سیاستنی بوسیرمه اداره ایدن ذواته ترتب ایدر. » قیلقی تلغرافنامه یی کشیده ایلسی اوزرینه ، ادرنه نک استردادندن صوکره انکیز رجالی، محضا هند مسلمانلرینک هیجانی تعدیل ایچون فضوللقدن بر درجه یه قدر صرف نظر ایتک مجبوریتنی حس ایتدیلر . خلافتک حکومت مستقله عثمانیه نک بقاسنی کندی منفعتلرینه - زعم باطللرینه کوره - برانکل تلقی ایدن انکلتزه و مؤتلفلری هیچ شبهه یوقدرکه ، عثمانیلرک لهنه اوله رق منصفانه بر سیاست تعقیب ایتما مشلردر . فرانسه و روسیه ده عین فکری تعقیب ایتما مشلردر . ایکی سنه اول تونس و جزائرده وقوع بولان حادثاتی فرانسه حکومتی کوچ بلا ایله اطفا و احا ایلیه بیلدی . ائتلاف مثالت دولتلرینک زیر اداره سنده بولنان مسلمانلر، آره صرمه چیقاردقلری بر کورولتی صرف حقلرنده ناروا معاملاتک تطبیقندن ایلر و کلوب ، عثمانیلرک، حکومت عثمانیه نک بو قارغشه لقلرده اصلا دخلی یوقدر . چونکه بزم محیطلر اوقدر اوزاق اولمقله برابر اوراده کی مسلمانلرله ده تماسمز محدوددر .

انکلتزه ، کویت امیرینی ، محمره حاکمی درلو درلو تاطیفلرله علیهمزه چو یرمک ایسته دکاری ده میدانددر . برکت و یرسونکه بوا یکی ذات اسلامیت نقطه سندن آلآن دولت علیه نک خیرخواه لهنده ثبات ایدوب تلقینات بدخواهانه یه قایلما مشلردر. مقدما ندر سعادتده کی انکلتزه سفارتی آتاشه میلیری اولوب ، سیاحت بهانه سیله معینته یوزلرجه خدم و حشم آلوب کردستانی، اناتولی ولایات شرقیه سنی، بوتون جزیره العربی بویدن بویه اولچن (مستر سایکس) همان هر یرده علیهمزده اداره کلام

فرانسیسہ کلنچہ اوزوالیلر بوسبتون شاشیردیلاز . بوتون مطبوعاتندہ عثمانیلر علمہندہ بر نشریات طوفانی باشلادی . تحت اسارتلرتدہ بولوندر دقلری میلیونلرچہ اسلامک کسب استقلال ایدہجکی ، مقام جلیل خلافتک قوت وعظمت احراز ایدہجکی قورقوسیلہ علمہندہ سویلڈک سوز اراقادیلر . پایتختلری محاصرہ اولونمہ باشلادینی حالہ الان اسلام خصوصمتی قبلرندن چیقارہ میورلر .

بری طرفدن قوجہ موسقوفک حدودلردہ کی مغلوبیتلری بریشانقلری ، مملکت داخلندہ اختلال وعصیان امارہلری روسلری یک تدهیش ایتشد .

ایران قایمہ سنک تبدیلیہ ، شاہک آذربایجان قطعہ سنہ اہمیت ویرمی و ایران نوطہ سنی متعاقب روسیہ نک اورادہ طول مدتدبری بولندیر مقدمہ اولدینی اون ایکی بیگ عسکرینی کری آلدیرمی ، روسیہ نک ایرانندہ کی نفوذینک محو اولدینی اثبات ایتشد . بالخاصہ ایران حدودندہ روسیہ علمہندہ برچتہ محاربہ سی باشلادینی دہ خصوصی مکتوبلردن اوکر نمکدہ یزکہ بالجلہ بو حاللر ہی روسیہ نک ایرانندہ و قفقاسیہ دہ اوتہ دن برو مسلمانلر علمہندہ تطبیق ایتدیکی سوء سیاستک نتایجیدر . بودقیہ یہ قدر قوتی حقہ ترجیح ایتکہ سیاستلرینی بو محور داخلندہ چویرمک ایستیان حکومتلرہ قارشو جناب احکم الحاکمین البتہ اخذ انتقام ایدہ جکدر .

سوف تری اذا انجلی العبار
أفرس تحتک ام حمار ؟ !

س . م . توفیق

یشامق ایچون رفع آواز ایدن بر امت

ہینرہ مرکت اسویہ

تاریخ بشر اویلہ غرائی احتوا ایدیور ، کہ انسان نظرہ اولی دہ اونلرہ اینانہ جنی بیلہ کلیور ، برچوق شیلر انسانہ عادتا خیال کی کورینیور . بر و قتلر شان و شرفلریلہ ، کلہ نک بتون معناسنجہ سطوت وعظمتلریلہ تاریخ بشرینک اک پارلاق صحیفہ لرینی اشغال ایدن ملترک ، ینہ بر وقت کلیورک ، او صحیفہ لردہ نام و نشانی کورہ میورز ؛ اونلرک یرینی باشقہ لرینک اشغال ایتدیکنی ، اونلرہ عائد عوائف تاریخیہ نک باشقہ کیمسہ لرک مفاخریلہ طولدینی کوریورز . دیمک اولیورک : بشریت ، دائمی بر صعود و هبوط ، بر قیام و قعود قارشیندہ بولنیور . تاج ظفر بر یردہ استقرار ایتہ یرک دائمًا طولاشیور ؛ زردہ بر استعداد کورورسہ اورایہ قونیور . سنت الہیہ بویولہ جاری اولمش ، وبویلہ جہ دوام ایدوب کیدہ جکدر : « سنة الله في الذين خلوا

ایدوب ، قبائل علیہمزمہ تشویق ایتکہدہ قصور ایتماشدی . » سیاستلری ، رچالری ، جمعیتلری ، اصول ادارہ لری یر یوزندہ کی مسلمانلرلہ انکلیزجہ لسانہ واقف اولانلرک کافہ سنہ فنا طانتدیرمق خصوصندہ صرف مساعی ایدن انکلتزمہ رسنہ بواو غوردہ بیکلر جہ لیرا صرف ایتکہدہ در . بو مقصدینہ یکانہ آلت اولان (شرق قریب) the near east غزتہ سیدر . مذکور غزتہ یی کندی پولیس مأمورلریلہ ہند متنفذانہ مجانی بر صورتہ توزیع ایدیور .

ہندستانندہ ، جزیرہ العربیہ و مصردہ اردو ، عربی لسانلریلہ انتشار ایدن برچوق غزتہ لرہ علمہندہ پرواغاندا یا بق ایچون کلی تخصیصات ویردیکی محققدر .

بو آنہ قدر علیہمزمہ ایجاد ایدیلن بالجلہ غوائلدہ انکلیزلرک پارماقی اکیسک دکدی .

رشادیہ و سلطان عثمان دریدنو طرمرزلہ ساثر حرب کیلرمرک بونازک زمانلردہ (عرف وعادت) بہانہ سیلہ ضبط ایدیلوب ، پارہ سنی دہ حرب نتیجہ سنہ قدر توقیف اولونمسی و بی مدافعہ آلتدن محروم براقیلمسی صرف انکلتزمہ نک علیہمزمہ چویرمکدہ اولدینی انتریقہ لرک آثارنددر . بو حقایقہ واقف اولان عثمانیلر آرتق بوندن سوکرہ کوزلرینی آچوب حقیقی دوستلرینی طامیشلردر .

وقتیہ ہندستانندہ و افغانستانندہ انکلیزلر علمہندہ اویانان و مدہش بر حال کسب ایدن اختلاللری باصدیرمق ایچون اورالرہ ہیئات ناصحہ کوندروب مقام خلافتک نصایح خیر خواہانہ سنی تبلیغ ایتکہ انکلتزمہ یی بویوک بر فلاکتدن تخلص ایتدیکنمزلہ ، انکلیزلر بوتون بوا ییلکمریزی اونوتدیلر .

بزہیچ شبہ ایتہ یزکہ انکلتزمہ بویاکلش حرکتدن طولای بالآخرہ ندامت ایدہ جکدر . انکلتزمہ نک عالم اسلام ایلہ اولان مناسبتی حسیلہ مقام جلیل خلافتلہ خوش کچنمسی ینہ کندی منافعی اقتضاسنددر . انکلتزمہ نک بزم حقمزردہ فضلہ جہ و ہم قایلمسی درکہ کنڈیسنہ برچوق خطالر ارتکاب ایتدیرمشدر . بزم اک زیادہ محبتزمہ محتاج اولدینی بر زمانندہ دریدنو طرمرزی ضبط ایتسی ، بوسیلہ بوتون عالم اسلامی علیہ چویرمی یک شاشیلہ جق برسیاستدر . روسیہ کی جہانگیرلکی غایہ امل اتحاد ایدن بر حکومتہ انکلتزمہ کی مدنی بر ملتک مظاہر اولمی انکلتزمہ ایچون ضرردن باشقہ ہیچ بریشی انتاج ایتز . ایشتہ بوکون کوہندیکی قوتلر سقوط ایدیور . فرانسز اردولری پریشان اولیور ، موسقوف اردولری بطاقلقرہ صاپلانیور . یارین انکلتزمہ نک بر قومشوسی آلمانیا اولورسہ ، دیگر قومشوسی دہ عثمانیلر اولہ جقددر . شو حالہ بزہ قارشی بویلہ غریب بر وضعیت طاقتمسنہ ینہ کندی منفعتی نامہ جدا تأسف اولونور .